## 0.0.1 celasuttam

- 1. āditte bhikkhave, cele vā sīse vā kimassa karaņī-yanti? āditte ca pana bhante, cele vā sīse vā tasseva celassa vā sīsassa vā nibbāpanāya adhimatto chando ca vāyāmo ca ussāho ca ussoļhi ca appaţivānī ca sati ca sampajaññañca karaṇīyanti. ādittam bhikkhave, celam vā sīsam vā ajjhupekkhitvā¹ amanasikaritvā anabhisametānam catunnam ariyasaccānam yathābhūtam abhisamayāya adhimatto chando ca vāyāmo ca ussāho ca ussoļhi ca appaţivānī ca sati ca sampajaññañca karaṇīyam. katamesam catunnam: dukkhassa ariyasaccassa, dukkhasamudayassa ariyasaccassa, dukkhanirodhagāminī paṭipadāya ariyasaccassa.
- 2. tasmātiha bhikkhave, "idam dukkhanti" yogo karanīyo, "ayam dukkhasamudayoti" yogo karanīyo, "ayam dukkhanirodhoti" yogo karanīyo, "ayam dukkhanirodhagāminī paṭipadāti" yogo karanīyoti.

<sup>&</sup>lt;sup>1</sup>anajjhupekkhitvā-sīmu, sī 1, 2. bjt page 298